

# Namołwa němskich biskopow k póstnej akciji Misereor 2024

Lube sotry a lubi bratřa,

sće wědzeli, zo je po wšěm swěće wjace hač 30.000 wšelakich družin rostlin, kotrež móže čłowjek za žiwidła a tekstilije wužiwać? Tele bohatstwo wědźa sej předewšěm małoratarjo wažić. Po wšěm swěće woni ze swojimi swójbami wulki džěl žiwidłow naprodukuja a zdobom wažnu rólu hraja, dže-li wo škit klimy a družin. Tola eksistenca mnohich małoratarjow je wohrožena: Scěhi klimoweje změny woni jasnje začuwaja. Te pokazuja so we wjedrowych ekstremach a wjedu k tomu, zo njemóžeš ze žnjemi hižo prawje ličić. K tomu přińdže, zo mało wulkich koncerrow swětowe wiki wobknježeja a so na monokultury a syntetiske pesticidy koncentruja.

W lětušej póstnej akciji Misereor so małoratarjo z Kolumbiskeje słowa jimaja. Rěča wo swojej zhromadnosći a zwjazanosći z přírodu, ale tež wo swojej njewěstosći a swoim strachu eksistencje dla. Hesło póstneje akcije rěka „Kóžda buna mje zajimuje“. Kofejowe buny a łušćinowe płody (Hülsenfrüchte) su w Kolumbiskej wažne wikowanske twory a typiske zakładne žiwidła tohole kraja. Z hesłom pak njehladamy jeničce na tute žiwidła, runje tak móže tež prašenje na nas samych rěkać: „Zajimuje mje kóžda buna?“ Zajimujetej nas žiwjenje a přichod małoratarjow w Kolumbiskej a po wšěm swěće?

Pokažmy swój zajim, připosłuchajmy a wobkrućmy ze swojimi darami: Haj, nas zajimuje kóžda buna a z njej džěło ludźi w małoburskim ratarstwje, kotřiž so wo přírodu a swoju eksistencu starosća!

we Wiesbadenje, 28. septembra 2023.

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop